

四庫全書

集部

欽定四庫全書

東雅堂昌黎集註卷二十四

碑誌

李元賓墓銘

按今石刻首題云韓愈撰段季展書其後題云十一年十二月建立

疑立石  
在墓後

李觀字元賓

謝從古本刪字字今文粹亦然然石本有之此文今从石本其先隴西

人也

或無字

始來自江之東

下或有食太學之祿五字

年二十四舉進

士三年登上第又舉博學宏辭得太子校書一年

書下有或有

入

年二十九客死于京師

于或作於

既斂之三日

或無字

友人

博陵崔弘禮葬之于國東門之外七里

友上或有其字  
墓上或有賁馬

字墓下或無之字

鄉曰慶義原曰嵩原

慶義或作某鄉  
嵩原或作基原

友人韓

愈書石以誌之辭曰

人下或有昌黎字  
辭上或有其字

已序元賓壽也者吾不知其所慕天也者吾不知其所

惡生而不淑孰謂其壽

謂其或作為之

死而不朽孰謂之天

謂之

或作其

已序元賓才高乎當世而行出乎古人

才或作文  
出或作過

已序元賓竟何為哉竟何為哉

已序元賓諸本無此再  
出四字方从石本今亦

从之但方又云上竟字石本作意而邵公濟嘗歎其句  
法之妙謂歐公而下好韓氏學者皆未之見遂從其說  
定上字作志意之意下字作究竟之竟則予不識其何  
說也竊意若非當時誤刻即是後來字半磨滅而讀者  
不審遂傳此謬好事者又从而夸大之使  
世之愚而好怪者遂為所惑甚可笑也

### 崔評事墓銘

君諱翰字叔清博陵安平人

安平或作平安今  
深州有安平縣

曾大父

知道仕至大理司直大父玄同為刑部侍郎出刺徐相

州

同或作童非  
是或無相字

父倚舉進士天寶之亂隱居而終君既

喪厥父攜扶孤老託于大江之南卒喪通儒書作五字

句詩敦行孝悌詆諧縱謔卓詭不羈

卓詭或無此二字或作處世皆非是

又善飲酒江南人士多從之遊貞元八年君生四十七

年矣

以卒日攷之七當作六

自江南應節度使王栖曜命于鄜州

既至表授右衛胄曹參軍實參幕府事直道正言補益

弘多

弘或作尤

既去職遂家于汝州汝州刺史吳郡陸長源

引為防禦判官表授試大理評事十二年相國隴西公

作藩汴州而吳郡為軍司馬

貞元十二年七月以董晉為宣武軍節度使八月長

源自汝州授檢校禮部尚書充宣武軍行軍司馬隴西公即晉也

隴西公以為吳郡之

從則賢也

之從或作併出之字皆非是

署為觀察巡官實掌軍田

鑿澮溝斬茭茅

或作茆茆危葵也此兼水陸言之作茅自當

為陸田千二百

頃水田五百頃

或無為字五

連歲大穰軍食以饒幕府

以其功狀聞

或無其字

使者未復命以十五年正月五日寢

疾終于家年五十有六矣隴西公賻贈有加自始有疾

吳郡率幕府寮屬日一至其廬問焉其既甚也日再往

問焉其終也往哭焉比小斂大斂三哭焉

方無大斂字今按上文

并大斂計之乃得三哭方本非是

於斂之二十日其妻與其子以君之

喪旋葬于汝州

與或作以或無于字

其二月某日遂葬于某縣某

鄉某原君內仁九族外盡賓客於其所止其來如歸苟

親矣雖不肖收之如賢苟賢矣雖貧賤待之如貴人是

故其歿也其弔者與其哭者其聲也必哀盡焉鄭氏也

有子二人女一人吾聞位不稱德者有後

德者下或有其終字鳴

呼君其終有後乎銘曰

朝之言嘻嘻夕之言怡怡偕入而出乘馬馳

馬下或有而字一

日不見而死吁其悲

其下或有可字

施先生墓銘

貞元十八年十月十一日太學博士施先生士丐卒其

寮太原郭伉買石誌其墓

或無太原字

昌黎韓愈為之辭曰

先生明毛鄭詩通春秋左氏傳善講說

劉公嘉話拾遺言予嘗與柳八

韓十八詰施士丐聽毛詩說維鵜在梁梁人取魚梁也  
言鵜自合求魚不合於人梁上取其魚譬之人自無善  
事揀人之美者如鵜在人梁上焉則毛注失之矣又說  
山無草木曰岵所以言陟彼岵兮無可岵也以其無草  
木故以譬之又說甘棠勿剪勿敗召伯所憩拜言人心  
之拜小低屈也上言勿剪終言勿拜明召伯漸遠人思  
不忘也毛注拜猶伐非也又說維北有斗不可挹酒漿  
言不得其人也毛都不注此新史云士丐撰春秋傳未



甚傳後文宗喜經術宰相李石因言士可春秋可讀文  
宗曰朕見之矣穿鑿之學徒為異同但學者如浚井得  
美水而已何必勞苦  
旁求然後為得耶 朝之賢士大夫從而執經考疑者

繼于門

繼下或有往字

太學生習毛鄭詩春秋左氏傳者皆其

弟子貴游之子弟時先生之說二經來太學帖帖坐諸

生下恐不卒得聞

帖帖或有作怡下又有然字非是

先生死二經生喪

其師仕於學者亡其朋故自賢士大夫老師宿儒新進

小生聞先生之死哭泣相弔歸衣服貨財先生年六十

九在太學者十九年由四門助教為太學助教由助教

為博士太學

由四下十八字此以諸本杭本無為太學助教由助教八字云蓋言由四門助教至

為博士於太學故也若从今文則下太學字贅矣今按此既言其在太學者十九年則所歷官不應但一再遷而已當从諸本為是但下太學二字疑衍不然則或在博士上或在下文當去下然無所據不敢輒改姑存之以俟

秩滿當去諸生輒拜疏乞留

下或有或或留或

遷凡十九年不離太學

杭本無凡下八字今按上文已云在太學者十九年則此八

字誠為重複然欲去之則或留或遷語勢未盡又不

知公意果如何今亦論而闕之不敢定其去留也

祖

曰旭袁州宜春尉父曰姥

且略切

豪州定遠丞

豪或作漢說已見前

按此誌在元和之前去水為先

妻曰太原王氏先生卒子曰友直明

州鄆縣主簿

鄆或作鄆鄆縣名前漢云殺劉鄆二縣長鄆縣會稽縣鄆莫候切

曰友諒

太廟齋郎系曰先生之祖氏自施父

施父魯大夫見左氏桓九年其

後施常事孔子以彰

史記弟子列傳施之讎為博士漢

儒林傳施讎字長卿宣帝時為博士

延為太尉

延順帝陽嘉二年八月為太尉太尉之孫

始為吳人曰然曰續

當作續吳志朱然字義封本姓施氏然子續字公緒

亦載其

跡先生之興公車是召纂序前聞于光有曜古聖人言

其旨密微箋注紛羅顛倒是非

紛或分聞先生講論如客

得歸得或作有卑讓肫肫

中庸曰肫肫其仁鄭注肫讀如誨爾諄諄之諄懇誠貌

出言

孔揚今其死矣誰嗣為宗

為或作其

縣曰萬年原曰神禾高

四尺者

檀弓孔子曰吾聞之古者墓而不墳今丘也東西南北之人也不可以弗識於是封之崇四尺

先生墓邪

考功員外盧君墓銘

或作表 公元和二年為國子博士時作

愈之宗兄故起居舍人君

柳子厚先友記云韓會昌黎人善清言有文章名最高然

以故多謗至起居郎貶官卒則起居舍人君會也子厚以為郎誤矣

以道德文學伏一世

代或作服其友四人其一范陽盧君東美少未出仕

或無字皆

在江淮間天下大夫士謂之四夔

永泰中會與盧東美張正則崔造為友好

談經濟之畧嘗以王佐自許時人號為四夔舊史載於  
崔造傳新史亦具載之而摭言乃以何長師李華盧東  
美韓衢為其義以為道可與古之夔皋者侔故云爾

夔夔

或作夔  
後同

或曰夔嘗為相世謂相夔四人者雖處而未仕

天下許以為相故云大厯初御史大夫李栖筠由工部  
侍郎為浙西觀察使當是時中國新去亂仕多避處江

淮間

仕或  
作士

嘗為顯官得名聲以老故自任者以千百數

大夫莫之取獨晨衣朝服

或無  
晨字

從騎吏入下里舍請盧

君君時始任戴冠通詩書與其羣日講說周公孔子以

相磨礱浸濯婆娑嬉游未有捨所為人意既起從大

夫天下未知君者惟奇大夫之取人也不常必得其

知君者

知上或無其字

謂君之從人也非其常守必得其從其

後為太常博士監察御史河南府司錄考功員外郎年

若干而終在官舉其職

若干或作五十四

夫人李姓隴西人君

在配君子無違德

配上或有作字

君歿訓子女得母道甚

或作甚得

母道

後君二十年年六十六而終

二十或作若千十六或作十四

將合葬

其子暢命其孫立曰乃祖德烈靡不聞然其詳而信者

宜莫若吾先人之友先人之友無在者起居文有季曰

愈

文或作又

能為古文業其家是必能道吾父事業汝其往

請銘焉

父下或有之字

立於是奉其父命奔走來告愈謂立曰

子來宜也行不可一二舉且吾之生也後不與而祖接

不得詳也

得下或有其字

其大者莫若衆所與觀所與衆寡茲

可以審其德矣乃祖未出而處也天下大夫士以為與

古之變臯者侔

大夫或作之

且可以為相其德不既大矣乎

講說周公孔子樂其道不樂從事於俗得所從不擇外

內奮而起

擇或作釋

其進退不既合於義乎銘如是示

於今與後也歟立拜手曰唯唯君祖子興濮州濮陽令

父同舒州望江令夫人之祖延宗鄆州司馬父進成廊

州洛交令

君祖下二十四字或但言君祖某某官父某某官夫人之祖某某官父某某官夫人下或

無之字

男三人暢申易女三人皆嫁為士人妻

士下或無人字墓

在河南緱氏縣梁國之原

緱氏下七字或作某縣某原緱音溝

某年月

日

或無此四字非是

元和二年二月十日云

十下或有四字

施州房使君鄭夫人殯表

房使君房武也武刺施州而夫人卒殯于



江陵公時為江陵法曹而作繼於河南銘興元少尹房君墓即武也

夫人之先出於周

或無之字今按此篇之文平易明白宜有之字

以鄭為氏

因初侯

周厲王少子支封於鄭是為成公其地華州鄭縣是也後世以國為氏

曾祖諱隨

祖諱玠厥考諱絳咸垂休歸于房宗生九子左右黍稷

祠春秋道順德嚴顯且裕宜壽而富今何謬

富或作貴永貞

冬至前四日寓殯墳此非其丘

清遼郡王楊燕奇碑文

魏本作清遼郡王楊公神道碑

公諱燕奇字燕奇

字上或無奇字

弘農華陰人也大父知古祁

州司倉烈考文誨天寶中實為平盧衙前兵馬使

盧下或有

軍字

位至特進檢校太子賓客封弘農郡開國伯世掌諸

蕃互市恩信著明夷人慕之祿山之亂公年幾二十

燕奇

開元二十六年生天寶十四年祿山反時燕奇年十八

進言於其父曰大人守官

宜不得去

宜或作義

王室在難某其行矣其父為之請於戎

帥遂率諸將校之子弟各一人間道趨闕變服詭行日

倍百里天子嘉之特拜左金吾衛大將軍員外置賜勳

上柱國寶應二年春

二年或作二歲

詔從僕射田公平劉展

上元

元年十一月宋州刺史劉展赴揚州揚州長史鄧景山以兵拒之為展所敗進陷楊潤并等州二年正月平盧

兵馬使田神功生禽展又從下河北大厯八年帥師納楊潤平今云寶應誤也

戎帥勉于滑州

大厯八年三月永平節度使令狐彰卒以工部尚書李勉為永平軍節度滑毫

觀察九年從朝于京師

是年十一月汴宋節度使田神功入朝京師九年正月神功卒

神功本傳云大厯二年來朝加檢校尚書右僕射而此云九年未知孰是建中二年城汴州

建中二年三月築汴州城功勞居多三年從政李希烈先登貞元二

年從司徒劉公復汴州

貞元四年十二月李希烈陷汴州興元元年十一月宋毫節度

使劉洽大破希烈之衆希烈遁歸蔡州汴十二年與諸州平今云貞元二年誤也劉公謂劉元佐十二年與諸

將執以城叛者歸之于京師事平授御史大夫食實封

百戶賜繒綵有加

封下或有五字

十四年年六十一五月某日

終于家自始命左金吾大將軍凡十五遷為御史大夫

職為節度押衙右廂兵馬使兼馬軍先鋒兵馬使

右或作左

階為特進勲為上柱國爵為清邊郡王食虛邑自三百

戶至三千戶真食五百戶終焉

或無自字或無五字

公結髮從軍

四十餘年

或作歲

敵攻無堅城守必完臨危蹈難歔歔感

發乘機應會捷出神怪不畏義死不榮幸生故其事君

無疑行其事上無間言初僕射田公其母隔于冀州公獨請往迎之經營賊城出入死地卒致其母田公德之約為父子故公始姓田氏田公終而後復其族焉嗣子通王屬良禎以其年十月庚寅葬公于開封縣魯陵岡

隴西郡夫人李氏祔焉

通王德宗之子諱以貞元中領宣武及河東節度使月或作二月

或作三月或作八月或作十月燕奇卒於五月作二月者誤矣但八月十月皆有庚寅不知孰是大抵此碑多誤不曉所以僕射田公田神功也神功以上元二年平劉展此作寶應二年舊傳神功大曆八年冬觀闕廷信宿而終此作夫人清夷郡太守祐之孫漁陽郡長史

九年皆差也

獻之女柔嘉淑明先公而殂有男四人女三人後夫人

河南郡夫人雍氏某官之孫某官之女有男一人女二人咸

有至性純行

男一人女二人或作男二人女一人女上或有有字一亦無有字

夫人同仁均

養親族不知異焉君子於是知楊公之德又行於家也銘曰

烈烈大夫

大夫或作丈夫

逢時之虞感泣辭親從難于秦

維茲爰始遂勤其事四十餘年或禪或專攻牢保

危爵位已濟既明且慎終老無隳魯陵之岡蔡河在側

在或作之

烝烝孝子思顯勲績斷石于此式垂後嗣

河南少尹裴君墓誌銘

公諱復字茂紹

復或作搜唐世系表集古錄皆作復

河東人曾大父元簡

大理正大父曠御史中丞京畿採訪使父虬以有氣略

敢諫諍為諫議大夫

或無有字諫諍二字或作言或無諍字

引正大疑有

寵代宗朝屢辭官不肯拜卒贈工部尚書

歐陽公跋怡亭銘云裴虬

撰李陽冰篆李莒書銘在武昌江水中有小島亭在其上銘刻於島石虬代宗時為道州刺史按公此文云虬

為諫議大夫不云為道州刺史唐史亦不見其事歐陽豈得之怡亭銘耶公舉賢良拜同官

尉僕射南陽公開府徐州

貞元四年十一月以濠壽廬三州團練使張建封為徐泗

漢節度使召公主書記二遷至侍御史入朝歷殿中侍御史

累遷至刑部郎中

遷或作選非是

疾病改河南少尹與至官若

干日卒實元和三年四月二十三日享年五十夫人博

陵崔氏少府監頤之女

頤音挺

男三人璟質皆既冠其季

始六歲曰充郎

充或作彥世系表作望郎

卜葬得公卒之四月壬寅

遂以其日葬東都芒山之陰杜翟村公幼有文年十四

時寶應元年

上時雨詩代宗以為能將召入為翰林學士尚

書公請免曰願使卒學

或無使字

丁後母喪上使臨弔又詔



尚書公曰

詔或作謂

父忠而子果孝吾加賜以厲天下終喪

必且以為翰林

下或有學士字

其在徐州府能勤而有勞在朝

以恭儉守其職居喪必有聞待諸弟友以善教館養妹

畜孤甥能別而有恩

而有或作而以

歷十一官而無宅於都無

田於野無遺資以為葬斯其可銘也已銘曰

裴為顯姓入唐允盛支分族離各為大家

此銘以家叶離方言惟謂

之羅羅謂之雁蓋古音通也今按詩免爰及楚詞多此類

惟公之系德隆位細曰

子曰孫厥聲世繼

子或作祖

晉陽之色

或作邑

愉愉翼翼無外

無私幼壯若一何壽之不遐而祿之不多謂必有後其  
又信然耶

國子助教河東薛君墓誌銘

石本有河東字或無然此後多从石

本今亦从之石本首云朝議郎守國子博士韓愈撰

君諱公達字大順薛姓

字大順或作字某

曾祖曰希莊撫州刺史

史贈大理卿祖曰元暉果州流溪縣丞贈左散騎常侍

祖下十六字方云閩杭蜀本皆闕惟監本與石本同今按方氏所校專據三本而謂今本皆不足取今此數字乃三本所無而今有者若非偶有石本則必以為後人校增而不之信矣故知今本與閩杭蜀苑粹不同者

未必皆無所自也觀者詳之

父曰播

元暉三子據摠播據開元十九年摠十八年播天寶十一年並

第登尚書禮部侍郎侍郎命君後兄據據為尚書水部郎

中贈給事中

據或作授

君少氣高為文有氣力務出於奇以

不同俗為主始舉進士不與先輩揖作胡馬及圓丘詩

京師人未見其書皆口相傳以熟及擢第補家令主簿

佐鳳翔軍

或無及擢第三字貞元三年二月以鳳翔留後邢君牙為鳳翔尹鳳翔隴西觀察使至是

表公建佐其軍

軍帥武人君為作書奏讀不識句傳一幕以為

笑不為變

笑下或有君字

後九月九日大會射

會下或有命字

設標的

高出百數十尺令曰中酬錦與金若干一軍盡射莫能

中

或無盡字能中下或有者字

君執弓脅二矢指一矢以興

指或作挾開本

無指一矢三字發三中考之間本之

今按下文三

揖其帥曰請以為公歡

遂適射所一座皆起隨之

或無皆字

射三發連三中

或無射字

的

壞不可復射中輒一軍大呼以笑連三大呼笑帥益不

喜即自免去後佐河陽軍任事去害興利功為多拜協

律郎益棄奇與人為同今天子修太學官有公卿言詔

拜國子助教分教東都生元和四年年卅七二月十四

日疾暴卒

冊七石本如此下二十一日亦然方著其說而不及改令正之

君再娶初娶

琅邪王氏後娶京兆韋氏

或無初娶以下十二字

凡產四男五女

男生輒即死

或無產字即字

自給事至君後再絕皆有名

或無皆有

名三字然三字之義未詳而方氏亦不著石本之有無始闕以俟知者

遺言曰以公儀之

子已已後我

已已後我或作為已後此云已已者必其子之小字也

其年閏三

月廿一日

見上

弟試太子通事舍人公儀京兆府司錄

公幹以君之喪歸

試下七字或作某官京下五字或作殿中侍御史

以五月十

五日葬于京兆府萬年縣少陵原合祔王夫人塋

以君下二

之十八字或作以君銘曰

官不遂

不下或有能字非是一作還

歸譏於時

譏或作議

身

不得年又將尤誰世再絕而紹祭以不隳

監察御史元君妻京兆韋氏夫人墓誌銘

諸本無京

兆以上九字

夫人諱叢字茂之姓韋氏

茂或作咸名義推之當作茂

今以其上七世

祖父封龍門公

後周驃騎將軍晉州總管府長史韋通封龍門縣公

龍門之後世

率相繼為顯官

通子善嗣上谷太守善嗣子崇德太子瑜德崇德子弼字國禎主客郎中萊濟

商三州刺史

夫人曾祖父諱伯陽自萬年令為大原少尹副

留守北都卒贈秘書監

或無北都字

其大王父迢以都官郎

為嶺南軍司馬卒贈同州刺史王考夏卿以太子少保

卒贈左僕射

保下或無卒字

僕射娶裴氏臯女

或無僕射字

臯為給

事中

為上或有少字非是

臯父宰相耀卿夫人於僕射為季女愛

之選壻得令御史河南元稹

選上或有其字稹字微之河南人

稹時始

以選校書秘書省中

校上或有授字非是

其後遂以能直言策第

一拜左拾遺果直言失官又起為御史舉職無所顧夫

人固前受教於賢父母得其良夫又及教於先姑氏

或固

作因父上或無賢字得上或  
有及字及或作受皆非是

率所事所言皆從儀法

言或

動作

年二十七以元和四年七月九日卒卒三月得其年

之十月十三日葬咸陽從先舅姑兆銘曰

詩歌碩人爰叙宗親女子之事有以榮身夫人之先累

公累卿有赫外祖

有或作於祖  
或作舅非是


相我唐明歸逢其良夫

夫婦婦獨不與年而卒以大寶生五子一女之存銘于

好辭以永於聞

好或  
作埋





東雅堂昌黎集註卷二十四

欽定四庫全書

集部

東雅堂昌黎集註卷二十七

五至

詳校官通政使<sub>臣</sub>夢吉

檢討<sub>臣</sub>何思鈞覆勘

總校官檢討<sub>臣</sub>何思鈞

校對官編修<sub>臣</sub>勵守謙

謄錄監生<sub>臣</sub>

李經鉞

欽定四庫全書

東雅堂昌黎集註卷二十五

碑誌

登封縣尉盧殷墓誌

孟郊詩有吊盧殷十首其一云登封草木深登封道

路微日月不與光莓苔空生衣可憐無子翁

蚯蚓緣病肌攣臥歲時長連連但幽噫幽噫

虎豹聞此外相訪稀至親惟有詩抱心死有

歸河南韓先生後君作因依磨一片嵌巖書

千古光輝蓋謂公以河南令

為盧作此誌也時元和五年

元和五年十月日范陽盧殷以故登封縣尉卒登封年

六十五

月下或有五字

君能為詩自少至老詩可錄傳者在紙

凡千餘篇無書不讀然止用以資為詩

或無在紙二字以下或有自字

與諫議大夫孟簡協律孟郊監察御史馮宿好期相推挽卒以病不能為官在登封盡寫所為詩抵故宰相東

都留守鄭公餘慶

抵或作投或無公守

留守數以白米周其家書

薦宰相宰相不能用竟飢寒死登封將死自為書告留

守與河南尹

房式也

乞葬已又為詩與常所來往河南尹

韓愈曰為我具棺留守尹為具凡葬事韓愈與買棺又

又為作銘十一月某日葬嵩下鄭夫人墓中

嵩下或有山字

始娶滎陽鄭氏後娶隴西李氏生男輒死卒無子女一

人

女上或有子字

學浮屠法不嫁為比丘尼云

興元少尹房君墓誌

房君武也公嘗為其夫人鄭氏作殯表今又誌其墓

房故為官族

官或作官

稱世有人自太尉瑄

瑄字次律河南人

以德

行為相相玄宗肅宗

天寶十五年七月玄宗拜瑄吏部尚書同平章事至德二年五月罷

廣德元年卒贈太尉

名聲益彰徹大行世號其門為太尉家宗族

子弟皆法象其賢公曾祖諱玄靜尚書膳部郎中厯資

簡涇隰四州刺史太尉之叔父也

玄靜父彥雲有二子長曰玄基次曰玄靜

玄基子融天后朝正諫大夫同鳳閣鸞臺平章事融子瑄

祖諱肱為號州司馬父諱

繼或作樂

都水使者皆名能守家法公諱武字某以明經

厯官至興元少尹謹飭畏慎年七十三以其官終幼壯

為良子弟老為賢父兄厯十二官處事無纖毫過差嘗

以殿中侍御史副丹陽軍使其後為整屋令施州刺史

丹陽整屋施州吏民至今思之

整音軫屋音室扶風縣名水曲曰整山曲曰

屋前漢行幸整屋五柞宮

娶滎陽鄭氏女生男六人其長曰次卿次

卿有大才不能俯仰順時年四十餘尚守京兆興平尉  
然其友皆曰房氏有子也次曰次公次膺次回次衡次  
元始學而未仕女三人皆嫁為士人妻

士人或作人士

初公之

在施州夫人卒焉殯於江陵元和五年次卿與其羣弟

奉公之喪自興元至堂殯于伊水之南

公改葬服議殯於堂謂之殯

六年正月次公奉夫人之喪自江陵至遂以其月十四

日合葬河南緱氏之高龍原公母弟式自給事中為河

南尹孝友慈良盡費其財以奉公葬未葬之一月詔以

河南為御史中丞領宣州觀察使

中丞或作大夫將行或作往

召

河南令韓愈泣謂曰吾兄之葬於是而吾為尹於是吾以為得盡其道於吾兄也今壓於上命不得視吾兄之棺入此土也豈非天邪子與吾兒次卿游我重知子凡吾兄之終事將子是託焉愈既不獲辭既助其凡役事退又為銘云

有位有年

年或作名

有弟有子從先人葬是謂受祉

河南少尹李公墓誌銘

李素也據史李素無傳于李錡傳附見焉



元和七年二月一日河南少尹李公卒年五十八

尹下有或

隴西字或作陸渾

斂之三月某甲子葬河南伊闕鳴皋山下

或作

八月丁亥朔十六日士寅考之史亦合伊闕或作陸渾考唐志鳴皋實在陸渾

前事之月其子

道敏哭再拜授使者公行狀

公或作功非是

以幣走京師乞銘

於博士韓愈曰

於或作于

少尹將以某月日葬

月下或有某字

宜有

銘其不肖嗣道敏杖而執事不敢違次不得跣以請愈

曰公行應銘法

公方作功首而下句是

今按若從方本則此句無又禮葬亦無所承其誤明

子又禮葬敢不諾而銘諸

或無其字或無而銘諸三字或無諾而二字皆非是

公

諱素字某

或作字貞

生七歲喪其父貧不能家母夫人提以

歸教育於其外氏

育或作蓄于下或無其字

以明經選主統之弘農

簿又尉陝之芮城李丞相泌觀察陝虢以材署運使從

事以課遷尉京兆鄠

邑名古有扈國鄠音戶

考滿以書判出其倫

選主萬年簿

倫上或無其字主或作注非是

而母夫人固在食其祿母

夫人卒三年改尉長安遷監察御史奏貶九卿一人

或貶

作敗改詹事丞遷殿中侍御史由度支員外郎選令萬年

或無郎字選令萬年或年遷萬年令

公主奪驛田

主下或有簿字云簿如簿錄之簿非是

京

兆尹符縣割界之公不與改度支郎中使

度支或作屯田

侍郎

介侍

或作特非是元和元年四日以兵部侍郎李異為度支鹽鐵轉運使

不禮其屬大夫

士擅喜怒賞罰

或無擅字

公獨入讓不受劉闢平上以蜀賞

高崇文尚書省以崇文幕府爭鹽井因軍便不便命公

使崇文

以崇或作與崇或無不便字

崇文命幕府唯公命從即其日

事已疏奏

事已或作事以

侍郎外稱其能竟坐前敢抗已衢州

飢擇刺史侍郎曰莫如郎李某

如郎下或有中字

遂刺衢州至

一月遷蘇州

遷下或有刺字時以杜康兼為蘇州刺史兼曰李錡且反必且奏族臣上因留為吏

部郎中而以素為蘇州刺史

李錡前反權將之戍諸州者或無權刺之二字

史至斂手無敢與敵

或無敵敵字或無敵字皆非是二年十月鎮海節度使李錡反先是

錡選腹心五人為所部五州鎮將姚志安處蘇州李深處常州趙唯忠處湖州丘自明處杭州高肅處睦州蔡

刺史動靜及將反各令殺其刺史

公至十二日錡反公將左右與賊戰

州門不勝賊呼入公端坐立責以義端或作號非是皆斂兵立

不逼錡命械致公軍將斬以徇及境錡適敗縛或無縛字公

脫械還走州

錡反素為志安所敗生致於錡具桎梏釘于船艚未及京口十月潤州大將張子良

李逢仙等執錡素獲免

賊急卒不暇走死民抱扶迎盡出

急卒一作竟平

速今按州字句絕賊即錡將之戍州作亂者以公至之不及走死為州民執以迎公耳然民字以下必有脫

誤天子使貴人持紫衣金魚以賜居三年州稱治拜河

南少尹行大尹事

六年三月以河南尹郊士美為昭義軍節度使以素為少尹行大尹事七

年二月許孟容自兵部侍郎代素為尹

呂氏子吳棄其妻著道士衣冠

或無

字謝母曰當學仙王屋山去數月復出間詣公公立之

府門外使吏卒脫道士冠給冠帶送付其母黜屬令三

人以贓減民賦錢歲五十萬

贓或作咸古通用然不知此句當如何讀若咸字屬

上句即下文減賦別為一事若屬下句即是以所沒入之咸代民賦錢也但屬上句者語意差謬耳千或作十

請緩民輸期一月詔天下輸皆緩一月公一斷治不收

聲事常出名上魯祖弘泰簡州刺史

弘或作純

祖乾秀伊闕

令父燮宣州刺史贈絳州刺史母夫人燉煌張氏其舅

參有大名

氏下或有封西平郡太君六字參或作泰

公之配曰彭城劉氏夫

人

公或作君氏夫人下或有封彭城縣君五字

夫人先卒其葬以夫人祔夫

人曾祖曰子玄祖曰餗皆有大名公之子男四人長曰

道敏舉進士其次曰道樞其次曰道本道易皆好學而

次

或無其次曰道樞五字樞下或無其次曰三字道易上或有其次曰字

女一人嫁蘇之

海鹽尉韋潛自蘭州而下皆葬鳴皋山下銘曰

高其上而坎其中

上下或有立字立或作丘或作山

以為公之宮奈何

乎公

集賢院校理石君墓誌銘

校理下或有京兆昭應尉五字洪左馬重

角子河陽公嘗有詩及序送之至是卒公祭以文又銘其墓

君諱洪字濬川其先姓烏石蘭九代祖猛始從拓拔氏

入夏居河南

九或作七下文七世為曾祖則此當作九拓拔或作拓跋廣韻引周書王秉王興並

賜姓拓至氏又有拓拔氏初黃帝子昌意少子受封北土黃帝以土德王北俗謂土為拓謂石為拔故以拓拔

為氏跋亦一作拔或說自云拓天而生拔地而長遂以  
為氏後魏孝文太和二十年改為元氏夏謂中夏也

拓音託拔  
蒲撥切

遂去烏與蘭獨姓石氏而官號大司空

後魏孝文

皇帝太和十八年遷都洛陽二十年盡改複姓故烏石  
蘭止為石氏以河南為望後魏官氏志烏石蘭氏改姓

石氏有司空  
蘭陵公石猛

後七世至行褒官至易州刺史於君為曾

祖易州生婺州金華令諱懷一卒葬洛陽北山金華生

君之考諱平為太子家令葬金華墓東而尚書水部郎

劉復為之銘君生七年喪其母九年而喪其父能力學

行去黃州錄事參軍

李翱嘗有薦洪狀謂明經出身  
曾任冀州糾曹黃字蓋誤也則



不仕而退處東都洛上十餘年行益修學益進交遊益

附聲號聞四海

或作方

故相國鄭公餘慶留守東都上言

洪可付史筆李建拜御史

建字杓直元和三年十月高郢為御史大夫奏建為殿中

侍御史建舉洪自代

崔周禎為補闕

禎或作禎考周頌從示今按大雅文王詩從木當兩存

之皆舉以讓宣歙池之使

盧坦

與浙東使

薛革

交牒署君從

事

君下或有為字

河陽節度烏大夫重胤間以幣先走廬下

走下

或有

故為河陽得

得上或有字

佐河陽軍

元和五年四月以烏重胤為河陽節

度使表洪為府參軍

吏治民寬考功奏從事考君獨於天下為第

一元和六年詔下河南徵拜京兆昭應尉校理集賢御  
書明年六月甲午疾卒年四十二娶彭城劉氏女故相  
國晏之兄孫生男二人八歲曰壬四歲曰申女子二人  
顧言曰葬死所七月甲申葬萬年白虎原既病謂其游  
韓愈曰子以吾銘以或作與銘曰生之艱成之又艱若有以  
為而止於斯

唐故江西觀察使韋公墓誌銘

諸題唐故或有或無或有銘字

或無銘字皆從舊本石本多用大唐字  
韋丹新史列之循吏傳皆取公墓誌及杜牧所

作遺愛  
碑為之

公諱丹字某姓韋氏

字某或作字文明

六世祖孝寬仕周有功

以公開號於鄭

孝寬名叔裕以字行仕周為大司空封鄭國公左氏鄭人軍其郊鄭音云

鄭公之子孫世為大官

孝寬子津位內史侍郎戶部侍郎判尚書事津子琬字玄理唐

太子詹事封武陽縣琬子幼平岐州參軍幼平子抱貞梓州刺史

唯公之父政卒雒縣

丞贈號州刺史公既孤以甥孫從太師魯公真卿學太

師愛之

或無太史愛之四字

舉明經第選授峽州遠安令以讓其

庶兄

峽或作硤考地

入紫閣山事從父熊通五經登科

登下或有明五經  
三字或無登字

歷校書郎咸陽尉佐邠寧軍

貞元四年七月

以張獻甫為邠寧節度  
使獻甫表丹佐其府

自監察御史為殿中侍御史徵

拜太子舍人益有名遷起居郎吳少誠襲許州拜河陽

行軍司馬未行少誠死改駕部員外郎

河陽下或有軍  
字或無未行二

字少上或  
有通字

新羅國君死公以司封郎中兼御史中丞紫

衣金魚往弔立其嗣故事使外國者常賜州縣官十員

使以名上以便其私號私覲官公將行曰吾天子吏使

海外國不足於資

或作  
貲

宜上請安有賣官以受錢邪即

具疏所以上以為賢命有司與其費

或無以為  
賢三字

至鄆州

會新羅告所當立君死還拜容州刺史容管經畧招討

使始城容州周十三里置屯田二十四所

或無  
置字

化大行

詔加太中大夫順宗嗣位拜河南少尹行未至拜鄭滑

行軍司馬

軍上或  
無行字

始至襄陽詔拜諫議大夫既至日言

事不阿權臣謇然有直名遂號為才臣劉闢反圍梓州

詔以公為東川節度使御史大夫

或無詔字  
八月西川  
節度使韋皋卒度支

副使劉闢自為留後九月微闢為給事中不受詔議者  
欲釋不問丹上疏以為令釋闢不誅則朝廷可指臂而

使者唯兩京耳此外誰不為叛上善其言  
以丹為東川節度使兼御史大夫代李康公行至漢中

上疏言梓州在圍間守方盡力不可易將徵還入議蜀

事

徵上或有靖字

劉闢去梓州因以梓州讓高崇文

元和元年正月以左

行營節度使高崇文討闢三月丹至漢中表言崇文客  
軍遠鬪無所資若與梓州緼其士心必能有功四月以  
崇文為東川節度副  
使知節度使事拜晉慈隰等州觀察使御使是月

為晉慈隰三州觀察使

自扶風縣男進封武陽郡開國公食邑二

千戶

或無邑字

將行上言臣所治三州非要害地不足張職

為國家費不如屬之河東便上以為忠

或無上以為忠四字疑或公自

以前有上以為賢語涉重複故刪其一不知當存何字也

一歲拜洪州刺史江南西

道觀察使以晉慈隰屬河東

元和二年正月以宰相杜黃裳為河中晉絳慈隰節

度使是日以丹為江西觀察使

公既至則計口受俸錢委其餘於官罷

八州無事之食者

洪江饒虔吉信撫袁八州

以聚其材始教人為瓦

屋取材于山召陶工教人陶聚材瓦於場度其費以為

估不取贏利凡取材瓦於官業定而受其償從令者免

其賦之半逃未復者官與為之貧不能者畀之財

畀或作裨

財或作材

載食與漿親往勸之為瓦屋凡三千七百為重屋

四千七百民無火憂暑濕則乘其高別命置南北市營

諸軍歲旱種不入土募人就功厚與之直而給其食業

成人不病飢為長衢南北夾兩營

或無長字

東西七里人去

潔污氣益蘇

污或作汗

復作南昌縣徙廐千高地因其廢倉

大屋馬以不連死

馬或作馬不或作為死或作廐新史作以廢倉為新廐馬息不死

明

年築堤扞江長十二里疏為斗門以走潦水公去位之

明年江水平堤老幼泣而思曰

老上或有既退二字

無此堤吾屍

其流入海矣灌陂塘五百九十八得田萬二千頃凡為



民去害興利若嗜欲居三年於江西八州無遺便其大

如是其細可畧也

其大下九字閻杭李謝本作其大不可畧如是或作其大畧如是皆非是

一無也字

卒有違令當死者公不果於誅杖而遣之去上書

告公所為不法若干條

法字或有者字

朝廷方勇於治且以為

公名才能臣治功聞天下不辨則受垢詔罷官留江西

待辨使未至月餘公以疾薨使至辨凡卒所告事若干

條皆無絲毫實詔答卒百流嶺南公能益明春秋五十

八薨於元和五年八月六日公好施與家無剩財

剩或作賸

自校書郎至為觀察使擁吏卒前走七州刺史與賓客

處如布衣時自持卑一不易

或無如布衣時四字或四字在不易下卑下或無一

字娶清河崔氏故支江令諷之女

支或作枝

某官某之孫有

子曰寅年十五明經及第嗣其家業後夫人蘭陵蕭氏

中書令華之孫殿中侍御史恒之女皆先公終有女一

或無凡公男若干人女若干人

或無女若干人四字杜牧作遺愛碑云有子三

寅宙岫宙咸通中檢校尚書左僕射同平章事充嶺南

節度岫終福建觀察使寅無聞唐史世系表則著寅宙

審而遺岫審

明年七月壬寅從葬萬年縣少陵原

或無縣字

大理評事

將葬其從事東平呂宗禮

宗禮即呂恭字敬叔溫之弟

與其子寘謀

曰我公宜得直而不華者銘傳於後固不朽矣

方從閩杭蜀本

無直而不華者五字及傳於後固四字而複出得銘二字云晁氏本有此字殊不知嘉祐杭本已如此大抵方

未嘗見嘉祐本也一本云我公宜得銘得銘不朽矣寘來請銘銘曰

武陽受業始於太師

即顏真卿

以官讓兄自待不疑勤於紫

閣取益以卑可謂有源卒用無疵慊慊為人

慊慊或作謙謙

矯矯為官爰及江西功德具完名聲之下獨處為難辨

而益明仇者所歎

音難

碑於墓前維昭美故納銘墓中以

識公墓

識式  
志切

唐故河南府王屋縣尉畢君墓誌銘

畢氏出東平

畢氏本畢公高之後其後世為東平須昌人

歷漢魏晉宋齊梁

陳士大夫不絕

晉有畢湛為中書郎湛子卓字茂世大興末為吏部郎北史畢敬衆子元賓父

子相繼為兗州刺史元賓六子祖朽祖髦祖歸祖旋祖

榮祖暉祖歸子義暢祖榮子義允義允子僧要祖暉子

義雲

入國朝有為司衛少卿貝邢盧許州刺史者曰憬

入或作人屬上句憬河南偃師人武后時為司衛少卿

憬之子構

一作稱非是構字隆擇

官至吏部尚書卒贈黃門監是為景公

新舊史有畢構傳終於戶部尚

書世系表亦作戶部然  
舊史畢誠傳乃稱吏部景公生抗為廣平太守抗安祿

城陷覆其宗贈戶部尚書

生抗抗本抗作炆世系表作抗傳作炆而世系官職亦不

同覆其宗或作其宗覆焉

尚書生垌家破時垌始四歲

四或作七

與其弟

增以俱小漏名籍得不誅為賞口賦中寶應二年河北

平宗人宏以家財贖出之求增不得增長為河北從事

兼官至御史中丞垌既至長安宏養於家教讀書明經

第

明經第一句當有脫字上或經下當有中字或登字之類

今按明

宏死垌益壯始自

別為畢氏厯尉臨渙安邑王屋年六十一以元和六年

二月二日卒於官初罷臨渙徐州節度張建封慕廣平

之節死

或作死節

聞君篤行能官請相見署諸從事

請上或有以幣字署

上或有遂字按諸字疑衍

攝符離令四年及尉王屋徐之從事有為

河南尹者聞君當來喜謂人曰河南庫歲入錢以千計

者五六十萬

入錢或作出入

須謹廉吏今畢侯來吾濟矣繼數

尹諸署於府者無不變

諸或作請

而畢侯固如初竟以其職

死君睦親善事過客未嘗問有無既卒家無一錢凡棺

與墓事

墓或作墓

皆同官與相識者事之娶清河張氏女

下女

或有子字女子字疑皆因下文誤入

生男四人曰錫釭鉅銳女子三人其

長學浮屠法為比丘尼其季二人未嫁以其月二十五

日後葬偃師之土婁銘曰

上古愛民為官求人苟可以任位加其身其後喜權人  
自求官退而緩者身後人先故廣平死節而子不荷其  
澤王屋謹廉而神不福其謙嗚呼天與人苟無傷其穴  
與墳

試大理寺事胡君墓銘

胡之氏別於陳

周武王封胡公滿於陳其支子自稱胡氏

明允先允作元河東

人世勤固

或作國

戴厥身

戴或作載

籍文譜進連倫惟明允加

武資力牛虎柔不持吏夏陽

同州屬邑

有施為去平陽

晉州郡名

民思悲河東土河陸原宜茲人肖厚完

或作俊昆或作肖厚寬今按

厚完二字見晉語

五十七不足年孤兒啼死下官母弟証秩大

夫

秩或作秋胡弟証元和九年以御史大夫帥振武十三年召還此下又云友韓愈司馬徒豈十二年從征

淮西時耶然則秋當為秋明矣

撫君遺哭泣書

撫或作石

友韓愈司馬徒公時

為行軍司馬從柴度平蔡故云司馬徒或謂公是時為太史司馬徒謂司馬遷父子耳以誌無年月日故二說



不作後銘系序初

襄陽盧公墓誌銘

或有唐故字

范陽盧行簡

盧下有君字

將葬其父母乞銘於職方員外郎

韓愈曰吾先世世載族姓名

世世或作五世盧植字子幹涿郡涿人後漢北中郎

將子毓字子家魏司空容城侯毓子挺字子笏泰山太

守挺字志字子道軍諮祭酒志子譔字子諒司空從事

中郎譔子偃慕容氏營邱太守偃子邈范陽太守邈子

玄字子貞後魏中侍郎玄子伯源字湯烏秘書監伯源

子道將字祖業燕郡太守道

將子懷仁字子友弘農太守

守後四代吾祖也

懷仁字彥卿東宮學士彥卿孫璣

為沂錄事參軍

沂下

或有五世而吾父也為襄陽丞始吾父自曹之南華尉

歷萬年縣尉

萬年二字或作三

至襄陽丞以材任煩能持廉名

去襄陽則署鹽鐵府出入十年常最其列

府下或有職字十下或有

五貞元十三年終其家年六十七殯河南河陰

南下有縣字

縣字或在河陰下

吾母燬煌張氏也王父瓘為兗之金御令

或之

作先君歿而十三年夫人終年七十三從殯河陰

或沒下無

而字年下

生子男三人居簡金吾兵曹行簡則吾其次

也大理主簿佐江西軍其幼可久女子嫁浮梁尉崔叔

寶將以今年十月自河陰啟葬汝之臨汝之原

葬下或有子字

臨汝下或有縣字汝原上或有臨字

吾曰陰陽星厯近世儒莫學獨行簡

以其力餘學能名一世舍而從事於人以材稱葬其父

母乞銘以圖長存

或作圖久長存

是真能予矣可銘也遂以銘

今按此與後篇張圓志文體特為橫逸與諸篇不同亦其文之變也但此篇中稱吾者皆述盧語而最後一吾

字乃韓自吾似少分別耳

弘農諱懷仁沂諱璩襄陽諱某今年實元

和六年

沂下或有州字

唐河中府法曹張君墓碣銘

李肇國史補云張圓佐韓弘舊史弘

初秉節事無小大委之後乃奏貶圓多怨言  
及量移謫至汴州極歡而遣之行次八角店  
白曰殺之然此誌言遇盜死塗中亦未曾畧  
及貶謫之意則國史補未必可信也葬以元  
和五年二月庚午據長曆二月  
無庚午若曰庚午則正月晦也

有女奴抱嬰兒來致其主夫人之語曰妾張圓之妻劉

也

劉下或  
有氏字

妾夫嘗語妾云吾常獲私於夫子且曰夫子

天下之名能文辭者

或無夫子  
字非是

凡所言必傳世行後今

妾不幸夫逢盜死途中

逢或  
作遇

將以日月葬妾哀其生志不

就恐死遂沈泯

或作  
名

敢以其稚子汴見先生將賜之銘

汴下或有兒字或無將字

是其死不為辱而名永長存所以蓋覆其

遺脣子若孫

脣下或有若字

且死萬一能有知將不悼其不幸

於土中矣又曰妾夫在嶺南時嘗疾病泣語曰吾志非

不如古人

人或無字

吾才豈不如今人而至於死於是

邪若爾吾哀必求夫子銘是爾與吾不朽也愈既哭弔

辭遂敘次其族世名字事始終而銘曰

弔下或有即字今按既辭而遂

敘其事蓋一辭而許此所謂禮辭者也

君字直之祖謹父孝新皆為官汴

宋間君嘗讀書為文辭有氣有吏才嘗感激欲自奮拔

樹功名以見世初舉進士再不第因去事宣武軍節度  
使得官至監察御史坐事貶嶺南再遷至河中府法曹  
參軍攝虞鄉令有能名進攝河東令又有名遂署河東  
從事絳州闕刺史攝絳州事能聞朝廷元和四年秋有  
事適東方既還八月壬辰死於汴城西雙邱年四十有  
七明年二月日葬河南偃師日或作庚午考唐厯二月  
無庚午葬下或有于字  
妻彭城人世有衣冠祖好順泗州刺史父泳卒蘄州別  
駕女四人男一人嬰兒汴也是為銘

太原府參軍苗君墓誌銘

君諱蕃字陳師

漢有陳蕃故蕃字陳師

其先楚之族大夫亡晉而

邑於苗世遂以苗命氏

楚若敖熊儀生子曰鬬伯比伯比生子曰鬬伯良生越椒字伯棼以

罪誅其子責黃責晉晉邑之苗後以為氏

其後有守土上黨者惠於民卒遂

家壺關

縣名屬潞州

曾大父延嗣

延嗣父襲茂高蹈不仕贈禮部尚書

中書舍

人大父含液

延嗣二子含澤含液皆登第

舉進士第官卒河南法曹

父頴揚州錄事參軍君少喪父受業母夫人舉進士第

貞元十一年登進士第

佐江西使有勞三年使卒

貞元十一年八月以路塞為江

西觀察使蕃佐其府  
十三年九月寢卒

後辟不肯留

後使李翼辟蕃蕃辭

獨護其喪

葬河南遷補太原參軍

河東節度嚴綬表佐其府

假使職獄平貨滋

息吏斂手不敢為非年四十有二元和二年六月辛巳

暴病卒其妻清河張氏以其年十二月丙寅

以厯推之丙寅為其

月十九日

葬君於洛陽平陰之原男三人執規執矩必復其

季生君卒之三月君同生昆弟姊凡三人皆先死四室

之孤男女凡二十人皆幼遺資無十金

漢以前以鎰名金漢以後以斤

名金鎰者二十四兩斤者十六兩諸史傳中或言百金或言萬金皆以一斤為一金十金者十斤金也

無



田無宮以為歸無族親朋友以為依也

或宮或作家為依或無為字樊汝

霖云按世系表苗槃蘗生延嗣延嗣生含液含液生穎賴生蕃蕃生著著生惜惓惓生台符惓生廷義又按登科記惓長慶二年惓大和五年惓八年台符大中八年廷義乾符三年皆相踵登第然有可疑者世系表以惓惓惓為蕃之孫誌謂蕃卒於元和二年男女皆幼自元和二年至長慶二年甫十五年豈遂有孫登第耶然則世系表蕃之下所謂著者誤矣疑惓惓惓即蕃之子而執規執矩必復者蕃死時幼而未名特其小字云爾其後遂名惓惓惓也嗚呼蕃死時其困如此其後子孫之盛則如此為善者可無怠矣

天將以是

安施耶銘曰

有行以為本有文以為華恭以事其職而勤以嗣其家

位卑而無年吁其奈何

東雅堂昌黎集註卷二十五

欽定四庫全書

東雅堂昌黎集註卷二十六

碑誌

唐朝散大夫贈司勳員外郎孔君墓誌銘

或無郎字

孔君名戡孔子三十六世孫時與公偕分司東都卒公為作此銘

昭義節度盧從史有賢佐曰孔君諱戡字君勝

昭義君潞州也

在河東今為昭德軍貞元二十年八月以盧從史為昭義節度使表戡為書記從史為不法君

陰爭不從則於會肆言以折之從史羞面頸發赤

頭一作顏

欽定四庫全書

卷二十六

抑首伏氣

吐或作非

今按漢傳言伏抑首言伏地而抑首

也此言伏氣猶言屏氣耳與漢傳語異

不敢出一語以對立為君更令改

章辭者前後累數十坐則與從史說古今君臣父子道

順則受從福逆輒危辱誅死曰

曰上或有且字

公當為彼不得

為此從史常聳聽喘汗

常或作當非是

居五六歲益驕有悖語

君爭無改悔色

或作意亦通作也非是

則悉引從事空一府往爭

之從史雖羞退益甚君泣語其徒曰吾所為止于是不

能以有加矣

以有或作有以

遂以疾辭去卧東都之城東酒食

伎樂之燕不與當是時天下以為賢論士之宜在天子

左右者皆曰孔君孔君云

或無者字皆上闕本有唯字或無復出孔君字或復出云

字

會宰相李公鎮揚州

元和三年九月以宰相李吉甫為淮南節度使

首奏起

君君猶卧不應

猶或作獨

從史讀詔曰是故舍我而從人耶

即誣奏君前在軍有某事上曰吾知之矣奏三上乃除

君衛尉丞分司東都詔始下門下給事中呂元膺封還

詔書上使謂呂君曰吾豈不知戡也行用之矣明年元

和五年正月將汝臨汝之湯泉壬子至其縣食遂卒年

五十七公卿大夫士相弔於朝處士相弔於家君卒之

九十六日詔縛從史送闕下數以違命流于日南

元和五年

四月鎮州行營招討使吐突承璀縛從史送京師貶驩州司馬歐文忠書從史驕驍明山記曰閱從史官屬題名見孔戡與烏重裔俱列于後而退之記戡事云戡屢諫不聽卒為重裔所縛嗚呼成敗禍福之理甚明先事而言則罕見從事至而言則不及也自古敗亂未始不由此也遂詔贈君尚書司勳員

外郎蓋用嘗欲以命君者信其志某年八月甲申從葬

河南河陰之廣武原

南下或有府字陰下或有縣字廣武原或作某地云唐河南府無河

陰縣今按元和郡國志河南府有河陰縣

君於為義若嗜欲勇不顧前後

於利與祿則畏避退處如怯夫然始舉進士第

士下或有及字

自金吾衛錄事為大理評事佐昭義軍

下或有帥字

軍帥死

貞元二十年六月昭義節度使李長榮卒從史自其軍諸將代為帥

或無自其字

請君曰從史起此軍行伍中凡枉幕府唯公無分寸私

分或作方非是公苟留唯公之所欲為君不得已

君或作君

留一歲

再奏自監察御史至殿中侍御史從史初聽用其言得

不敗後不聽信惡益聞君棄去遂敗祖某某官贈某官

父某某官贈某官

諸本作祖如圭皇海州司戶贈工部員外郎父岑父皇著作郎贈駕部員

外郎方從蜀本云今本所紀父祖官職多誤蓋後人續增公諸志皆載三世此只言父祖已非考世系表及孔戣志此以如珪作如圭郎中作員外郎著作佐郎為郎又非也駕部乃戣贈官此以為其父所贈又非也今按此姑從方本無大利害但方說諸本止載二世為不入例而其所據之本此志亦止載二世云駕部乃戣所贈官而戣實贈司勳皆非是世系戣志與此志文亦未知其孰為得失恐皆未足以判其是非也 君始

娶弘農楊氏女卒又娶其舅宋州刺史京兆韋妃女皆有婦道凡生一男四女皆幼前夫人從葬舅姑兆次卜人曰今茲歲未可以祔從卜人言不祔君母兄戣尚書兵部員外郎母弟戣殿中侍御史以文行稱朝廷將葬



以韋夫人之弟前進士楚材之狀授愈曰請為銘銘曰

允義孔君茲惟其藏更千萬年無敢壞傷

方從杭本無傷字今按

此傷字諸本皆有文理音韻皆無可疑方氏特以杭本脫漏遂不之信寧使此銘為歎後語而不肯以諸本補之甚可怪也

故中散大夫河南尹杜君墓誌銘

或無散字君或作尹杜君

名兼史有傳公與兼皆嘗佐張建封於徐州至是兼死河南尹而公為都官員外郎為銘

杜氏自戴侯畿始分戴侯之子恕為幽州刺史今居京

兆諸杜其後也

戴字伯侯京兆杜陵人魏河東太守豐樂戴侯有三子恕理寬恕字務伯弘農

太守幽州刺史

其季寬孝廉郎中寬後三世曼為河東太守葬

其父洹水之陽

或無之陽字寬字務叔舉孝廉為郎中曾孫曼仕石趙為從事中郎河東太守

洹水出汧郡隆慮縣洹胡端切

其後世皆從葬洹水

下或有之陽字

及正倫

為太宗宰相

曼玄孫君賜字景字宣明州府交辟不就景子裕字慶延任齊樂陵令四子正

玄正藏正儀正倫高宗顯慶元年三月以正倫同中書門下三品三年十一月罷令云太宗誤也

猶封

襄陽公

顯慶二年二月封襄陽郡公

太宗始詔葬京兆襄陽公無子

以兄正藏子志靜後遂嗣襄陽公

或複出嗣襄陽公子

生僞為懷

州長史棄官老沁水上為富家卒葬懷州武陟長史生

損為左司郎中卒贈少大理

或作大理少卿

大理生廩

大理或作少卿

為鄭州錄事叅軍死思明亂贈吏部郎中公諱兼字某

郎中第三子

廩三子曾左金吾兵曹參軍兼太學博士少即兼也

舉進士第

建中元年兼第進士

司徒北平王燧戰河北掌書記累官至監察御史其後

佐徐泗州軍

貞元四年十一月張建封為徐州泗濠節度使表佐其府

遂至濠州刺

史

本傳載兼刺濠州日誣劾常賞陸楚二人以罪殺之而子厚杜兼對乃取其在濠州能擯鍾離令之讒今

二事誌皆不載宜以其善不足以掩惡故略之耶抑誌與傳異故叙其族出歷官卒之年月日與夫生娶而已

也徐泗州軍亂以兵甲三千人防淮道不絕

是本本如此諸本甲三

千人四字皆在下文金魚之下而魚下復有兵字殊  
無理甲字亦疑衍或當在兵字上姑闕以俟知者 有

功加御史中丞賜紫衣金魚入為刑部郎中以能官拜

蘇州刺史既辭行上書曰李錡且反必且奏族臣上固

愛其才書奏即除吏部郎中

或無中字

遂為給事中出為商

州刺史金商防禦使改河南少尹行大尹事半歲拜大

尹元和四年十一月二十二日無疾暴薨年六十明年

二月甲午從葬懷州夫人常山郡君張氏彭州刺史贈

禮部侍郎既之女

既音

生子男三人柔立為天長主簿

詞立為壽州參軍誼立為順宗挽郎女一人

順上或無為字

將

葬公之母兄太學博士冀與公之夫人及子男女謀曰

葬宜有銘凡與我弟游而有文者誰乎遂來請銘銘曰

杜氏大家世有顯人承繼綿綿以及公身始為進士乃

篤朋友及作大官

及或作乃作

克施克守纂辭奮筆渙若不

思公牒盈前笑語指麾祿以給求食以會同不蓄不收

庫廩虛空事在于人

在于一日遠日忘何以傳之刻此

銘章

銘章

唐銀青光祿大夫守左散騎常侍致仕上柱國

襄陽郡王平陽路公神道碑銘

夫下一無守字仕下諸本

無上柱國襄陽郡王七字平陽或作陽平從石本考唐世系表當從平陽碑銘或作

碑文

今按此篇多從石本按石本其首

云朝議郎守國子博士上騎都尉韓愈撰

銀青光祿大夫守吏部尚書上柱國榮陽

縣開國侯鄭餘慶書將仕郎右拾遺內供

奉使緋魚袋陳岵篆額其後云元和七年

歲次壬辰十月丙子朔十五日庚寅云此

可以補刊本之闕字

有異同今附于下

惟路氏遠有代序自隋尚書兵部侍郎諱袞四代而至

冀公

代或並作世石本衮或作充闕本世表作衮衮封

昇子元愬榆次令元

冀公諱嗣恭以小邑蕭關令發聞

愬子太一太原令

令下或開元受賜更名

賜或作錫嗣恭其初名劍客以世蔭為鄴尉席豫黜陟河朔表

為蕭關令徙神烏姑威二縣考績上上為天下最玄宗以為可嗣漢魯恭因賜今名字懿範

書于太

史治行靈州

治或作恭由戶部侍郎為朔方節度使

終功南邦

大歷七年正月以嗣恭為江西觀察使八年九月循州刺史哥舒光反殺嶺南節度使呂崇賁十月以嗣恭諫

嶺南節度使往往征之十一月克廣州斬晃

享有丕社紹開厥家官至兵部

尚書封冀國公

以平嶺南功轉檢校兵部尚書

薨贈尚書右僕射司空

或無司  
空字

公諱應字從衆冀公之嫡子

嗣恭二  
子恕應

用大臣子

謹飭擢至侍御史著作郎選刺虔州

選或作遷貞元初  
以應為虔州刺史

割餘雩都作縣安遠以利人屬

餘或作隸  
或作民下同

鑿敗灘石

以牛贛梗陶甓而城罷人屢築詔嗣冀封又加尚書屯

田郎中進服色遂臨于溫築堤岳城橫陽界中二邑得

上田除水害

土田或  
作上苗

拜尚書兵部郎中兼御史中丞淮

南軍司馬改刺廬州又甓其城人不歲苦

人或作民  
苦或作苦

入

為尚書職方郎中兼御史中丞佐鹽鐵使使江東有功



用半歲歷常州遷至宣歙池觀察使

永貞元年十二月  
自常州除觀察使

進封襄陽郡王

或作公  
非是

至則出倉米下其估半以廩餼

入蜀闢誅

蜀闢或作劉闢或  
蜀下別出劉字

行軍千五百人於蜀李錡

將反以聞置鄉兵二千人錡反命將期以卒救湖常州

牢江東心錡以無助敗縛作響山亭營軍于左右權丞

相善之鏡其說響山石

響山宣  
州山名

居宣五年以疾去位校

其倉得石者五十萬餘

或無  
者字

府得錢千者八十萬公之

為州逢水旱喜賤出與人

人或作  
民下同

歲熟以其得收常有

贏利

或作餘

故在所人不病饑而官府蓄積元和六年天

子憫公疾不可煩以職即其處拜左散騎常侍以其祿

居其歲九月望薨於東都正平里第年六十七

歲上或無其字

年上或有字

明年葬京兆萬年少陵原夫人滎陽鄭氏祔既

其子臨漢縣男貫與其弟賞貞謀曰宜有刻也

既下或有而字

告於叔父御史大夫鄜坊丹延觀察使恕因其族弟進

士羣以來請銘遂以其事銘曰

冀公之封維艱就功襄陽繼大啟慶自躬於虔洎溫厥緒既

作以及職方遂都邦伯朝夕人事

人或作民

下完上實師於其鄉

鄰寇逼屈營軍響山牆屋修施

修諸本皆然方素不錄而直作循字

褒公刻表

功或作嘉

丞相之辭受代而家叙疏及通病不能廷食祿卒齒凡

代大家

凡代一作凡世

維難其保既顯既願

或作碩

戒於終咎伊我

襄陽克慎以有延畀後承

或作丞

莫不率守有墓於原維

樹在經

在或作有

以告無期博士是銘

博士或作傳世公是時正為博士或

按

是本非

烏氏廟碑銘

烏重脣之父也

嘗為作神道碑

許孟

元和五年天子曰盧從史始立議用師於恒

元和五年三月成德

節度使王士貞卒其子承宗自為留後上欲革河北世襲之弊從史時為昭儀節度使遭父喪因左軍中尉吐突承瓘說上請發本軍討承宗由是復起從史委其成功十月詔削奪承宗官爵以承瓘為詔討宣慰使命恒州四面藩鎮各進兵共討乃陰與寇連夸謾允驕出不遜言其執以

來其四月中貴人承瓘

七罪切

即誘而縛之其下皆甲以

出操兵趨譁牙門都將烏公重脣當軍門叱曰天子有

命從有賞

從下或有者字

敢違者斬於是士皆斂兵還營卒致

從史京師壬辰詔用烏公為銀青光祿大夫河陽軍節

度使兼御史大夫封張掖郡開國公

重脩自昭儀都制兵馬使路州左司

馬拜銀青光祿大夫懷州刺史河陽三城懷州節度使兼御史大夫

居三年河陽稱治詔

贈其父工部尚書且曰其以廟享

其以或作以其

即以其年營

廟於京師崇化理軍佐竊議曰先公既位常伯

謂工部尚書

而先夫人無加命號名差卑於配不宜語聞詔贈先夫

人劉氏沛國太夫人八年八月廟成三室同宇祀自左

領府軍而下作主于第

三室同宇史記渭陽五帝廟同宇常昭曰謂上同下異也宇一

作牢非今按後漢以來帝私廟制皆為同堂異室

乙巳升於廟烏氏著於春

秋譜於世本

世本十五卷錄黃帝以來帝王諸侯伯卿大夫系氏名號列於姓苑在

莒者存

左氏昭二十三年莒子庚與唐而好劍烏存率國人逐之

在齊有餘枝鳴皆

為大夫

齊下或有者字餘下或有字左氏襄二十四年齊人城邾之歲其反齊烏餘以廩邱奔晉昭

二十一年冬十月齊烏枝鳴戌宋一本云在齊有餘枝鳴者為大夫

秦有獲為大官

史記秦武

王時力士任邾烏城皆為大官

其後世之江南者家鄱陽處北者家張

掖

烏氏後魏烏洛侯之裔國邑在漢東二十餘里貞觀初貢獻內屬代為功臣因官徙地今為張掖人

或

入夷狄為君長唐初察為左武衛大將軍竇張掖人其

子曰令望為左領軍衛大將軍孫曰蒙為中郎將是生

贈尚書諱承玼字某

贈下或有工部字玼或作洛新史承玼有傳字德潤重脣傳亦云承

玼子也溫公考異嘗加辨正宋樊本皆作承玼蓋許孟容嘗為承玼碑石本猶傳於世新傳皆本此也

烏

氏自莒齊秦大夫以來皆以材力顯及武德已來始以

武功為名將家開元中尚書管平盧先鋒軍屬破奚契

丹

屬或作屢今按屬亦連屬之意北狄有五契丹二奚三室韋四黑水五渤海

從戰捺祿

走可突千

諸本多作突千或作汗子今從許碑定從千云可突千契丹之勇將也新傳奚契丹入寇

承玼破於捺祿山又戰白城承玼按隊出其右斬首萬計可突千奔北捺奴葛切渤海擾海上

或無擾

至馬都山吏民逃徙失業

樊汝霖云或謂破走可汗千渤海上追之

至馬都山吏民逃徙失業蓋因可突千入寇而然止是一事今按許孟容作烏承洽神道碑示渤海王武藝出海濱至馬都山屠陷城邑公以本營士馬防遏要害則是捺祿走可突千而馬都山拒武藝二字不同或者之論過矣新史据孟容神道碑及公廟碑而作司馬溫公考異以新史為誤恐考異未見孟容碑刻耳尚書

領所部兵塞其道遼原累石

累或作壘

綿四百里深高皆三

丈寇不得進民還其居歲罷運錢三十萬餘黑水室韋

以騎五千來屬麾下

黑水室韋二國名黑水即靺鞨

邊威益張其後與

耿仁智謀說史思明降

至德二載安慶緒兵敗走保鄴郡史思明判官耿仁智說思明

歸唐思明然之以所部十三郡及兵八萬降

十二月以思明為歸義王范陽節度使

思明復叛



尚書與兄承恩謀殺之事發族夷尚書獨走免

許碑承恩承趾

之從父兄也

李光弼以聞詔拜冠軍將軍守右威衛將軍檢

校殿中監封昌化郡王石嶺軍使

石嶺或作佐領抗蜀粹與許碑新傳皆作

石嶺積粟厲兵出入挑戰以疾去職貞元十一年二月丁

巳薨於華陰高平里年若干

許碑年九十六

即葬於其地二子

大夫為長

大夫重裔

季曰重元為某官銘曰

烏氏在唐有家於初左武左領

或作右領

二祖紹居中郎少

卑屬於尚書不償其勞乃相大夫授我戎節制有疆墟

制有或作有  
其壇或作疆  
數備禮登  
方無數字登下有壇字今按

亦異數之數言制數既備禮亦增崇也  
數以立廟亦是此意若如方木即上句已言授節不應

至此始言登壇况登壇  
又與立廟不相關乎  
以有宗廟作廟天都以致其孝

右祖左孫  
蜀本文苑作左祖右孫今按廟制以西為上方本為是  
爰饗其報云誰

無子其有無孫  
其有或作孰其  
克對無羞  
克或作光  
乃惟有人念昔

平盧為艱為瘁大夫承之危不棄義四方其平士有迨

息來覲來齋以饋黍稷

唐故河東節度觀察使滎陽鄭公神道碑文

河東節度使贈尚書右僕射鄭公葵在滎陽索上

今鄭州滎

陽有索水即高帝與項羽戰於京索者也

元和八年六月庚子太史尚書比

部郎中護軍韓愈刻其墓碑曰司馬氏遷江南有鄭谿

者仕慕容垂國為其太子少保

谿字君明魏將作大匠五世孫仕垂為太常少

卿

其孫簡當拓拔魏為滎陽太守

谿子溫燕太子詹事生三子皓號北祖怙

號中祖簡號南祖

後簡者號其族為南祖南祖之鄭入唐有為

利之景谷令者曰嘉範

簡生季騶騶子昞四世孫嘉範

於公為曾祖

是生撫俗為泗之徐城令徐城生公之父曰洪卒官涼

之戶曹參軍

涼之或作涼州

公諱儋少依母家隴西李氏舉止

異凡兒其舅吏部侍郎季卿謂其必能再立鄭氏

季或作李

謂下或有曰字或謂作曰其必作必其

稍長能自課學

課或作謀今按蜀志出師來自謀

字文選亦作自課恐公用此語也

明左氏春秋以進士選為太原參軍

事

大歷四年第

對直言策拜京兆高陵尉考府之進士能第

上下以實不姦樊僕射澤以襄陽兵戰淮西公以叅謀

留府能任後事

興元元年正月以樊澤為山南東道節度使澤奏儋為參軍

戶曹殯

於涼涼地入西戎自京谷徐城三世皆未還榮陽葬公

解官舉五喪為三墓葬索東徐城墓無表公能幼長哀

感

公能下或有使字或無哀字云自少而長求之不置也

今按心字當屬下句心求不置以

得舊人以告其處其後為大理寺太常博士遷起居郎

尚書司封吏部二郎中能官舉其名德宗晚節儲將於

其軍以公為河東軍司馬能以無心處嫌間卒用有就

間或作問非是或無卒字有就或作其說非是

貞元十六年將說死即詔授司

馬節度河東軍

考嚴綬傳將說李說也或無即詔字馬下或無復出節字

除其官為

工部尚書太原尹兼御史大夫北都留守

貞元十六年十月河東節

度使李說卒僖自本軍行軍司馬除檢校工部尚書充太原尹北都留守河東節度使公之為司

馬用寬廉平正得吏士心及昇大帥

昇或作升帥作師

持是道

不變部將有因貴人求要職者公不用用老而有功無

勢而遠者削四鄰之交賄省姦媚之大燕

姦或作誇

校講民事施

罷不竣日用能以十月成政氓征就寬

氓或作賦或作民

軍給以饒

十七年疾廢朝夕八月庚戌薨享年六十一天子為之

不能臨朝者三日

或無能字

贈尚書右僕射即以其年十月

辛卯薨素上疾比薨醫問交道比葬弔贈賜使者相及

凡河東軍之士與太原之氓吏

軍下或無之字或作之軍氓或作民

及旁

九郡百邑之鰥寡

河東節度府管汾遼沁嵐石忻代憲凡九州

外夷狄之統

於府者聞公之薨皆哭曰吾其如何公與賓客朋遊飲

酒必極醉

興或作為

投壺博奕窮日夜若樂而不厭者

若或從聞

蜀本作苦

平居簾閣據几終日不知有人別自號白雲翁

令孤

楚嘗為太原從事唐志有表奏十卷自號白雲孺子蓋以媚僭也

名人魁士鮮不與善

好樂後進及門接引皆有恩意

與善屬上句好樂屬下句蜀本以善為其而連

好樂為句又云名人魁士呂氏春秋傳

始娶范陽盧士女生仁本仁約仁

欽定四庫全書

東雅堂昌黎集註

十五

載皆有文行二季進進士皆早死仁本為後子獨存不  
樂舉選年三十餘始佐河陽軍後娶趙郡李氏生三女  
二夫人凡三男五女長女嫁遼東李繁繁亦名臣子有  
才學遺命二夫人各別為墓不合葬系曰

士常患勢卑

常或作嘗下同

不能推功德及人常患貧

患下或有勢字

無以奉所欲得若鄭公勤一生以得其位而曾不得須  
臾有焉雖然觀其所既立其可知已嗚呼哀哉

魏博節度觀察使沂國公先廟碑銘

或有田氏字歐陽公



曰自天聖以來學者多讀韓文而患集本舛訛惟予家本更校時人共傳號為善本及後集錄古文得韓文之刻石如羅池黃陵廟碑之類以校予家集本舛謬猶多若田弘正碑尤甚蓋由諸本不同往往妄加改易今以碑校印本初未必誤多為校讎者妄改易之乃知文學之傳久而轉失其真者多矣則校讎之際決於取舍不可不謹也今各參注于下

石刻後題云朝議大夫安定胡証書并篆額京兆府廨有此碑

元和八年十一月壬子上命丞相元衡

武元衡

丞相吉甫

李吉甫

丞相絳

李絳

召太史尚書比部郎中韓愈至政事堂

傳詔曰田弘正始有廟京師朕惟田弘正先祖父厥心

靡不嚮帝室訖不得施乃以教付厥子維弘子銜訓事

嗣朝夕不怠

事嗣或作嗣事下或有于字此篇今亦從方氏據石本

以能迎天之

休顯有丕功維父子繼忠孝

弘正父廷玠大厯中為滄州刺史恒州李寶臣幽州

朱滔聯兵攻擊欲兼其土宇廷玠固守卒能保全朝廷嘉之遷洛州改湘州建中初田悅領魏博節度使志圖凶逆召廷玠為副蓋悅父承嗣與廷玠為從昆弟也及悅姦謀敗露廷玠曰爾藉伯父遺業可守朝廷法度坐享富貴何苦與恒郾同為叛臣若狂志不悛可先殺我乃謝病不出三年憤鬱而卒予維寵嘉之

是以命汝愈銘欽哉惟時臣愈承命悸恐明日詣東上

閣門拜疏辭謝不報退伏念昔者魯僖公能遵其祖伯

禽之烈周天子實命其史臣克作為駟駟泮閼之詩

駟音

必使聲於其廟以假魯靈

假音格

今天子嘉田侯服父訓

不違用康靖我國家

服上或有能字靖或作靜

蓋寵銘之所以休寧

田氏之祖考而臣適執筆隸太史

或無隸字

奉明命其可以

辭謹案魏博節度使銀青光祿大夫檢校工部尚書兼

魏州大司馬長史御史大夫沂國公田弘正

川或作博或無兼字

元和七年十月以弘正為銀青光祿大夫檢校工部尚書魏州大督府長史兼御史大夫上柱國沂國公充魏

博等州節度使觀察處置支度營田等使北平盧龍人故為魏博諸將

弘正始名

興季安時為  
衙內兵馬使

忠孝畏慎田季安卒

季安高祖環平州人  
官都水使者環二子

守義延憚延憚安東都護府司馬守義二子承嗣延琳  
承嗣子緒緒子季安季安子懷諫延琳子悅延憚子延

玠元和十年  
八月季安卒

其子幼弱用故事代父人吏不附迎弘正

於其家使領軍事

季安卒懷諫自知軍務時年十一以  
弘正為都知兵馬使懷諫幼弱軍政

皆決於家僅蔣士則數以愛憎移易諸將諸將憤怒咸  
曰兵馬使吾帥也即詣其家迎之弘正拒之不可

弘正籍其軍之衆與六州之人還之朝廷悉除河北故

事比諸州故得用為帥已而復贈其父故滄州刺史兵

部尚書母夫人鄭氏梁國太夫人得立廟祭三代曾祖

都水使者府君祭祖室祖安東司馬贈襄州刺史府君  
祭二室兵部府君祭東室其銘曰

唐繼古帝海外受制

此據石本外或作內受或作臣

狎於太寧

狎或作洽燕

盜以驚羣黨相維河北失平號登元和大聖載營風揮

日舒咸順指令業業魏土嬰兒戲兵

嬰兒謂懷諫

吏戎愁毒

莫保膏頸

或作領

人曰田侯其德可倚叫譟奔趨乘間請

起田侯攝事奉我天明

天或作王左傳范氏中行氏反易天明注言不事君也又云二

三子順天明公語出此

束縛弓戈考校度程提塲籍戶

提或作提來復

邦經帝欽良臣曰維錫予嗟我六州始復故初告慶于

宗以降命書

于宗或作宗廟以降或作降以

旌節有韜豹尾神旗橐

戟橐

橐或作索蜀本作橐石本同但省文耳謂弓服橐乃囊之無底者非兵仗也當從石門

今按橐

以長魏師田侯稽首臣愚不肖迨茲有成祖考之教帝

曰俞哉維汝忠孝予思乃父追秩夏卿媿德娠賢梁國

是榮

媿配也言梁國配兵部之德娠孕也左氏後緡方娠娠賢謂生田弘正也媿匹詰切娠之刃切又音

身田侯方廟相方視陞見於蓍龜祖考咸喜暨暨田侯

暨暨累穀也禮戎容暨暨暨音忌

爾有文武訖其外庸可作承輔

承或作丞

咨汝田侯勿亟勿遲觀饗式時爾祖爾思

饗或作嚮爾祖爾思或作

祖考之思或作爾祖之思

東雅堂昌黎集註卷二十六



欽定四庫全書

東雅堂昌黎集註卷二十七

碑誌

劉統軍碑

公嘗誌統軍劉昌裔墓矣今又銘其碑此篇並從方所据石本為正可疑

者別見諸本作唐故石  
龍武統軍劉公墓碑

唐故陳許軍節度使金紫光祿大夫檢校尚書兼御史

大夫右龍武統軍彭城郡開國公食邑二千戶贈潞州

大都督劉公諱昌裔字光後

許下或無軍  
字方從石本

薨既葬

元和  
八年

十一月昌裔卒九年九月葬河南

將反机於京舍於墓次

机或作机或作几或作主

京下有師字

故史文武士門人送客訖事會哭將退咸顧戀

牽連一口言曰自我公薨至葬凡所以較德焯勤者

焯

樂切明也一作焯一作卓

莫不粗完隱卒崇終有都督之詔

昌裔卒有

詔贈潞州大都督

日事時功以著不可誣

可下或有以字

有太史之狀

太常之狀

太常上或有字

有謚

昌裔謚威公

有誄有幽堂之銘又

如即外碑刻文以顯詩之其於傳無已豈不益可保于

是相許諾以告其孤縱

昌裔四子縱其長也

縱哭

或無哭字

捨杖拜曰

縱不敢違則相與刻銘文曰

劉處彭城本自楚元

漢高帝季弟元王交之後

陽曲之別繇公祖

遷

昌裔曾祖承慶為朔州刺史祖巨敖為太原晉陽令樂其土俗占籍太原之陽曲曰自我為此邑人可

也何必彭城

公曾祖考為朔州守祖令太原仍世北邊樂其

高寒秦楚不還逮於公身三世晉人

趙德夫云石本三世作再世上文祖

今太原作考令太原善其篇首既言陽曲之別由公祖遷則為晉人非再世矣碑當時所立不應差其世次莫可曉也今按劉志在後卷所述世次尤詳與再世之云皆不合亦石本不足信之一驗也

公生而

異魁顏鉅鼻幼如舒退少長好事西戎乘勢盜有河外

公雖家居為國暗噫

上於金切下鳥界切

來告邊帥

或作師

可破之

計楊琳為橫巴蜀靡彫

考代宗起大曆三年瀘州刺史楊子琳反昌裔說子琳事通鑑

亦可考新書作楊惠琳誤矣

公由游寄單船諭詔

爾雅士特舟所注單船

折其

尾毒

其尾毒或作旗毒尾

不得動搖琳後來降公不有功終琳之

已還卧民里

昌裔說邊將不售去入三蜀楊琳之亂蜀人苦之昌裔單船往說琳大曆四年二月

琳遣使詣闕謝罪以琳為峽州團練使以昌裔為從事後琳死客河朔間

蓋古有云人職其

憂無事於職而與國謀德宗之始為曲環起奮筆為檄

強寇氣死

建中初曲環為邠隴兩軍都知兵馬使其收撲州也辟昌裔為判官為環檄李納剗曉大

義環上其業  
德宗異之

決敗算成效於屈指環有許師

貞元二年七月環自

汾隴行營節度使陳許節度使昌裔從府還

公遂佐之蘇民軋敵

軋或作戰或作朝

多出公畫累拜郎中進兼中丞雖在陪貳天子所憑

蔡卒幸喪園我許郭新師不牢劄勦將逋

勦勦急走貌又逋也

曲羊切勦如羊切

公為陳方

或作力

應變為械與之上下寇無所

賴

方云或云此當脫一句非也今按此篇文體整齊無奇句為韻者或說是也不然則衍與之上一句未

果孰是也石本之不足信此又顯然亦屢辨之矣

遂至遁敗

貞元十五年八月環卒淮西吳少誠

遣兵掠臨賴陳州刺史上官說知陳許留後遣大將王令忠將兵殺之皆為少誠所虜丙午以說為陳許節度

使少誠遂圍許州說欲棄城走昌裔時為營田副使止之城中兵足以辦賊但閉城勿戰賊氣自衰吾以全制其敵蔑不克矣昌裔募勇士千以功遷陳實許之半許人鑿城出擊大破之城由是全

圍解昌裔以功拜陳州刺史

聲駕元侯以勢自憚

貞元十六年七月少誠進擊蔡州行

營招討使韓全義敗于澱水與諸道兵皆走保陳州求舍昌裔登城謂曰天子命公討蔡州何為來陳且賊不敢至我城下君其舍外無恐明日從十餘騎持牛酒抵全義營勞軍全義不自意迎拜歎服復入居

許為軍司馬

貞元十八年以昌裔為陳許行軍司馬

脫權下威士心益歸

卒嗣環職

貞元十九年六月說卒以昌裔商檢校工部尚書兼許州刺史充陳許節度使

棄惡

從德乃與蔡通塗其榛棘稚耄嬉遨

或作

連手歌謳上

無可怨外無與讎既長事官峻之大夫

峻諸本作浚今按此一字亦

可疑未詳其說

其償未塞僕射以都

封彭城郡公再加檢校尚書右僕射償或作賞以或

作已今按上句有未字此當作已然二字通用者亦多姑從舊

及癸巳歲秋涌水出

流過其部破民廬室

元和八年五月許州大水壞廬居舍漂溺居人六月徵昌裔還京師

公即疏言此皆臣僦防斷不補漬民於泉

漬或作債臣耄且

疾宜即大罰上曰熒害

熒或作菑害滅除字本秦刻今按熒

大臣其來

允余之思其可止哉驛隸走呼有中使來公迎於驛遂

行不迴六月降熱上下歌絕

歌或作敲絕大赤也字見楚詞大招絕許極切

公鞭公驅去馬以興公病日惡不能造闕仆臥在宅

始憲

宗惡昌裔自立欲召之宰相李吉甫曰陛下乘人愁苦可召也六月以東都留守韓皋代之詔昌裔還京師至

長樂驛知帝意因請歸私第許之稱風眩閔有加錫命為統軍龍武之右兼

官左相百僚長首

昌裔至天子以為恭即其家拜檢校尚書左僕射兼右龍武統軍知軍事

冬十一月日將南至公遂薨殂年六十二奏聞怛悼俾

官臨弔悲不聽朝贈督潞州存歿之賚於數為優明年

九月東葬金谷公往有命匪後人卜

衢州徐偃王廟碑

徐偃王事見史記後漢書博物志元和姓纂然後漢書云



楚文王滅之楚詞亦云荆文寤而徐亡按周穆王時無楚文王春秋時無徐偃王辨見於楚詞補註中石刻云朝廷郎守尚書考功郎中知制誥昌黎韓愈撰福州刺史元錫書元

和十年十二月九日立

徐與秦俱出柏翳為嬴姓

史記秦本紀大業之子曰大

騫二子大廉之後為秦若木之後為徐是為俱出柏翳也

嬴余輕切 國於夏殷周世咸

有大功

秦本紀又曰大廉玄孫孟戲中行殷帝大戊以為御而妻之自太戊以下中行之世遂世有功

以佐殷國故嬴姓多顯遂為諸侯若木玄孫費昌當夏桀之時去夏歸商為殷御以敗桀于鳴條是有大功也

殷或作商今從石本此篇內同疑者別見

秦處西偏專用武勝

中行魯孫曰戎胥軒

軒生仲通通生飛廉廉生惡來來生女防防生旁舉舉  
生大凡凡生大駱駱生非子周孝王以為附庸邑之于  
秦是為處西偏也遭世衰無明天子遂虎吞諸國為雄國或諸

國既皆入秦為臣屬秦無所取利上下相賊害卒債其

國而沈其宗

債猶亡也爾雅云債債也莊子一債一起  
沈其宗謂滅其族也債方運切又甫

運切徐處得地中文德為治

文或作又今以上文秦用  
武勝者推之此宜作文

及

偃王誕當國益除去刑爭末事凡所以君國子民待四

方一出於仁義當此之事周天子穆王無道意不在天

下

穆王名滿左昭十二年云穆王欲肆其  
心周行天下將皆必有車轍馬跡焉

好道士說得

八龍騎之西游

列子曰周穆王駕白駿之乘西征崑崙八駿驂驅綠耳赤冀白羲渠黃踰輪盜

驪山

同王母宴於瑤池之上歌謳忘歸

穆天子傳云穆王見西王母觴

于瑤池之上母為天子謠曰白雲在天山陵自出道理悠遠山川間之將子無死尚能一來天子答曰子歸東

土和理諸夏萬民均平吾顧見汝比及三年將復而野石本無宴字今按無宴字不成文以它本補

四

方諸侯之爭辯者無所質正咸賓祭於徐

祭方從抗作索云今廟中

有傳刻慶厯中石本亦作寮慶厯石本非當時物尤不足據而左傳有賓祭字當從

今按賓寮無理明甚況

諸本作

祭為是贄王帛死生之物於徐之庭者三十六國得朱

弓赤矢之瑞

博物志云偃王欲舟行上國乃通溝陳蔡之間得朱弓赤矢以為得天瑞遂因名為

弓自稱偃王江淮諸侯服從穆王聞之恐遂稱受命者三十六國朱弓一作象犀

造父御

造父穆王御飛廉玄孫也造七到切父音甫

長驅而歸

史記秦本紀造父以善御

幸於周穆王得驥溫驥驊騮綠耳之駒西巡狩樂而忘歸徐偃王作亂造父為穆王御長驅歸周救亂

與

楚連謀伐徐

以史記世系表考之穆王所與連謀伐徐者殆楚熊勝也

徐不忍關其

民北走彭城武原山下百姓隨而從之萬有餘家偃王

死民號其山為徐山鑿石為室以祠偃王偃王死雖走

失國

失下或有其字

民戴其嗣為君如初駒王

禮記邦婁考公之喪徐君使容

居來弔舍曰先君駒王西討駒王徐之先也

章禹

左氏昭三十二年吳滅徐徐子章禹斷其髮以奔楚

章禹宗十祖孫相望自秦至今秦或作奉名公巨人寄跡史

書史或作文徐氏十望其九皆本於偃王而秦後迄茲無聞

家天於柏翳之緒非偏有厚薄於仁與暴之報自然異

也衢州故會稽太末也太末春秋時姑蔑也至漢改焉唐號曰龍邱越絕書姑末今太

末後漢吳有龍邱菴者隱居太末太音闡民多姓徐氏支縣龍邱有偃王

遺廟武曰偃王之逃戰不之彭城之越城之隅棄玉几研

於會稽之水選錄苔鬚髣乎研上南越志生研石上注研與硯同或曰徐子童禹

既執於吳徐之公族子弟散之徐揚二州間公或作宗即其

居立先王廟云開元徐姓二人

徐堅字元固徐嶠字巨山

相屬為刺

史帥其部之同姓改作廟室載事于碑後九十年當元

和九年而徐氏放復為刺史放字達夫前碑所謂今戶

部侍郎其大父也春行視農至于龍邱有事于廟思惟

本原曰故制楠櫨下窄

楠倉梧切或作楠

不足以揭虔安靈

揭音羯又

邱傑切

而又梁楠赤白彫剝不治

逸期不彫彫壞落也彫池耳切又徒可切

圖像之威黜昧就滅

黑音黜玉篇云深黑也

藩拔級夷庭木委欬

或作缺

今按缺正字缺俗體然唐人多用之姑從其舊

祈旼日慢祥慶弗下

日方云洪

以石本定作由今按由義未詳姑從諸本作日

州之羣支

羣支或作支郡或作羣吏皆非是

不獲蔭庥余惟遺紹而尸其上不即不圖以有資聚罰

其可辭乃命因故為新衆工齊事惟月若日工告訖功

大祠於廟宗鄉咸序應

鄉或作御

是歲州無怪風劇雨民不

天厲穀果完實民皆曰耿耿社哉

耿耿社哉或作社哉社哉方從閩本無社

字而不言石本之有無又云耿當讀從炯今從諸本

其不可誣乃相與請辭京師

歸而鏡之於石辭曰

徐傑以顛徐由遜繇

遜或作遜

秦鬼久飢徐有廟存婉婉偃

王婉音苑惟道之耽以國易仁為笑于頑自從擅命其實

幾姓厯短詈長詈或作言有不償亡課其利害孰與王當與方

從洪氏石本作嘗今從諸本姑蔑之墟太末之里今徐州有姑蔑城左傳哀公十三年

越伐吳王孫彌庸自泓上觀之見姑蔑越地誰思王恩立廟

以祠王之聞孫世世多有唯臨茲邦廟土實守堅嶠之

後達夫廓之王歿萬年如始祔時王孫多孝世奉王廟

達夫之來先慎詔教盡惠廟民不主於神維是達夫知

孝之元太末之里姑蔑之城廟事時修仁孝振聲宜寵



其人以及後生嗟嗟維王雖古誰亢

古或作死亢協韻苦郎切

王死

於仁彼以暴喪

暴方作常而不言石本今從諸本

文追作誄刻示茫茫

示或作石方云石本如此而不敢從今亦不敢從也

袁氏先廟碑

袁滋履歷並詳本傳碑特其槩耳唐書新傳以滋為袁範之後則人

誤矣

袁公滋既成廟明歲二月自荆南以旗節朝京師

歲或作年

方云考之史袁滋以元和十一年朝京師旗或作旌

留六日得壬子春分率宗親

子屬用少牢于三室既事退言曰嗚呼遠哉維世傳德

繫訓集余乃今有濟今祭既不薦金石音聲使工歌詩

載烈象容其奚以飭稚昧於長久唯敬繫羊豕幸有石

即所謂麗牲之碑祭義云祭之日  
君牽牲入廟門麗于碑麗繫也如具著先人名跡著

者因為詩繫之語下於義其可雖然余不敢必屬篤古

而達於詞者遂以命愈愈謝非其人不獲命則謹條袁

氏所以出與其世系里居起周歷漢魏晉拓拔魏周隋入

國家以來

或作已來 拓音託 拔蒲撥切  
注見廿一卷集賢院校理墓誌銘

高曾祖考所

以勛躬燾後委祉於公公之所以奉將承應者有槩有

詳而綴以詩其語曰周樹舜後臣

語或作詩樹或作封後下或有為字陳

公子有為大夫食國之地袁鄉者其子孫世守不失因

自別為袁氏春秋世陳常壓於楚與中國相加尤疏袁

氏猶班班見可譜

或作可見于譜

常居陽夏

陳陽夏漢世淮陽國前漢發兵拒之

陽夏注今亳州

也夏音賈夏至晉屬陳郡

或無郡字

故號陳郡袁氏博

士固

棘

申儒過黃

漢

儒棘固齊人

實太后好老子書召問固固曰此家人言耳太后怒曰安

得司空城旦書乎袁固以治詩孝景時為博士與黃生

爭論景帝前黃生曰湯武非受命乃弑固曰不然夫桀紂虐亂天下之心皆歸湯武湯

武不得已而立非受命為何唱業於前至司徒安懷

德於身

袁安後漢時任終司徒

袁氏遂大顯連世有人終漢連魏

晉

終或作紛非是

分仕南北始居華陰為拓拔魏鴻臚鴻臚諱

恭生周梁州刺史新縣孝侯諱頴

新下或有安字字頴或作頻

孝侯

生隋左衛大將軍諱溫去官居華陰武德九年以大耄

薨始葬華州

耄或作耄

左衛生南州諱士政南州生當陽令

諱倫於公為曾祖當陽生朝散大夫石州司馬諱知玄

司馬生贈工部尚書咸寧諱暉是為皇考袁氏舊族而

當陽以通經為儒位止縣令石州用春秋持身治事為

州司馬以終咸寧備學而貫以一文武隨用謀行功從出入有立不爵於朝比三世宜達而室歸成後人數當

於公公惟曾大父大父皇考比三世存不大夫食

或無再出大父

字有公字大父或作大夫比或作妣皆非是

歿祭在子孫唯將相能致備物

世彌遠禮則益不及在慎德行業治圖功載名以待上

可無細大無敢不敬畏無早夜無敢不思成于家進於

外以立于朝自侍御史歷工部員外郎祠部郎中諫議

大夫尚書右丞華州刺史

貞元十六年二月自尚書右丞出刺華州

金吾大

將軍

貞元二十一年三月召拜

由卑而鉅莫不官稱遂為宰相以贊

辨章

便章也史記便章百姓即平章耳

仍持節將蜀滑襄荆

永貞元年十月以滋

為西川節度使元和元年十月徙義成軍節度八年正月自戶部尚書出為山南東道節度九年九月徙荆南

節度蜀謂西川滑為義成襄謂山南東道荆謂荆南

畧苞河山秩登祿富以有廟

祀具如其志又垂顯刻

或作烈

以教無忘可謂大孝詩曰

詩下或

有文字

袁自陳分初尚蹇連

或作連連

越秦造漢博士發論司徒任

德忍不錮人

忍一作思漢明帝時安為河南尹未嘗以賊罪鞠人嘗曰凡學仕者高則望宰相下

則希牧守錮人于聖世所不忍為方云博士轅固司徒  
袁安也按左傳陳有轅濤塗又有袁僑漢有轅固轅豐  
又有袁安蓋兩姓也杜預謂袁僑濤塗四世孫不知何  
以至漢復出兩姓今按歐公集古錄漢三老袁良碑  
亦云濤塗立姓為袁蓋轅袁相通古收功厥後五公重  
字袁盎又通作爰亦非別為一姓也

尊

安章帝時為司徒二子京敞京子湯字仲河桓帝時  
太尉湯子逢字周陽靈帝時司空逢弟隗字次陽獻

帝時太傅京弟敞字叔平安  
帝時司空凡四世五公焉

晉氏於南來處華下鴻臚

孝侯用適操捨南州勤治取最不懈當陽耽經唯義之

畏石州烈烈學專春秋懿哉咸寧不名一休趨難避成

與時泛浮是生孝子天子之宰出把將符羣州承楷

把

作祀或作持  
羣或作都

數以立廟

數或作教說  
見烏氏廟碑

祿以備器由曾及

考同堂異置柏板松楹其筵肆肆

筵或作業

維袁之廟孝孫

之為順勢即宜以諏以龜以平其巖屋牆持持孝孫來

享來拜廟庭陟堂進室親登遵釧

釧或作鉶

肩膈胛骨

膈臂節也

禮記其禮太牢則以牛左肩膈折九个儀禮臂膈肱  
駘胛脅也儀禮兩胛脊肺設局寓駘禽獸骨也四者皆

所薦之羞  
膈奴報切又  
女朱切胛音拘駘音格

其樽玄清降登受胙於慶爾

成

爾或作示非是

維曾維祖維考之施于汝孝嗣以報以祇凡

我有今非本曷思刻詩牲繫

或作繫牲

維以告之



清河郡公房公墓碣銘

房啟之死及葬誌皆不載年月日啟以貞元末

為容管帥在容九年遷桂管坐中使事貶虔州死元和十年也

公諱啟字某河南人其大王父融王父瑄仍父子為宰相融相天后事遠不大傳瑄相玄宗肅宗處艱難中與

道進退薨贈太尉流聲於茲父乘

瑄三子宗偃御史中丞次乘幼孺復容州

刺史仕至秘書少監贈太子詹事公胚胎前先生長食息

不離典訓之內目濡耳染

濡或作濡或作濡方云濡亦染也今按濡而遇切字見

儀禮然作濡亦通

不學以能始為鳳翔府參軍尚少人吏迎觀

望見咸曰真房太尉家子孫也不敢弄以事

或無觀字

轉同

州澄城丞益自飭理同官憚伏

理或作治

衛宴使嶺南黜陟

建中元年二月遣黜陟使洪經綸柳冕  
衛宴等一十人分行天下晏使嶺南

求佐得公擢摘

良姦南土大喜還進昭應主簿

進或作遷

裴胄領湖南表公

為佐

貞元三年閏五月以國子司業裴胄為  
湖南觀察使胄字肩叔河東聞喜人

拜監察御

史部無遺事胄遷江西又以節鎮江陵公一隨遷佐胄

又或作為非是  
佐胄或作為佐

累功進至刑部員外郎賜五品服副胄

使事為上介上聞其名徵拜虞部員外在省籍籍遷萬

年令果辦傲絕

辦或作辦  
傲音激疾也

貞元末王叔文用事材公

之為舉以為容州經畧使

貞元二十一年五月以啟為  
容州刺史兼御史中丞容管

經畧

拜御史中丞服佩視三品管有嶺外十三州之地

州下或無之字容管所隸容  
辦白牢欽廉禺湯潯古等州

林蠻洞蜒

當作蠻南方夷  
蜒音誕

守條死要

伊肖切  
約誓也

不相漁劫稅節賦時公私有餘削衣

貶食不立資遣以班親舊朋友為義

朋或作  
為非是

在容九年

遷領桂州

元和八年四月以  
啟為桂管觀察使

封清河郡公食邑三千戶

中人使授命書應待失禮客主違言徵貳太僕

啟徐桂  
州州郎

賂吏部主者私得官告飛驛以授啟既而憲宗自遣中使持詔賜啟啟畏使者邀重賂即曰先五日已得詔使者結請視因持之歸以聞未至貶虔州長史而坐使者至七月貶啟太僕少卿

啟自陳獻使者南口十五帝怒殺中使啟未至京師貶虔州長史始詔五管福建黔中道不得以口饋遺罷職口等使九月丙午中官李建章坐受啟賂杖一百處死發未貶啟虔州長史啟先賂建章口十五人既怨其發官告事乃具上言帝既殺建章並黜啟以卒卒官年五十九其子越能輯

父事無失謹謹致孝既葬碣墓請銘銘曰

房氏二相厥家以聞條葉被澤況公其孫公初為吏亦

以門庭佐使於南

謂佐衛宴

乃始已致既辨萬年命屏容服

功緒卓殊氓獠循業

獠張絞切

維不順隨

不順中使

失署亡資

非公之怨銘以著之

非公或作非君

唐故銀青光祿大夫檢校左散騎常侍兼右金

吾衛大將軍贈工部尚書太原郡公神道碑

文

或無尚書以上二十八字

公諱用字師柔太原人莊憲皇太后之弟

順宗后弟

今天子

之舅

憲宗舅

太師之子太尉之孫司徒之曾孫

王用父曰子顏生順

宗后后生憲宗憲宗元和元年贈太尉用曾祖曰思敬元和元年贈司徒

和元年上朝太后南宮大褒外氏自外高王父而下至

外王父咸冊登公師事載之史

高王上或  
有祖字

皇太后昆弟

唯公一人

子顏二子重榮官  
至王傳次即用也

於是特拜銀青光祿大夫

太子少詹事

特或  
作時

未三月因遷大詹事賜勲上柱國爵

封郡國於太原益掌廐苑之事公起外戚子弟秩卑年

少歲餘起居上班官尊職大朝夕兩宮而能敬讓以敏

持以禮法不挾不矜賓接士大夫高下中度

士下或興  
無大字

官者事滋久愈謹

興或作與者或作嗜方云者音指致  
也詩者定爾功國語者其股肱以從

司馬今按者或疑即嗜字更詳之

由是朝廷推賢所處號治轉少府監

太子賓客別職仍初

仍或作如初方從館杭本作初今按仍即如也祔字無理明甚可

以見閭杭本之謬矣

遷左散騎常侍兼右金吾大將軍皆以選進

不專為恩

專有或有於字

十一年秋將以八月葬莊憲太后

元和

十一年三月太后崩八月葬豐陵

前一月壬申以疾告薨春秋四十有

七上罷朝二日為位以哭贈工部尚書十一月壬申葬

於萬年縣落女原

落女或作落安

夫人河南胡氏號太原郡夫

人有子六人女子一人葬得日公之姊婿京兆尹李儵

或作脩考舊史當作脩

謂太子右庶子韓愈曰子以文常銘賢公

卿

常或作章

今不可以辭應曰諾而為銘曰

有嶠氏國實出炎軒

按史記軒轅皇帝娶西陵之女曰螺祖為黃帝正妃生二子曰元囂

曰昌意元囂生嶠極晉語云少典娶于有嶠氏生黃帝炎帝蜀山氏之諸侯也嶠音喬又音嬌

蜀塗

莘摯

史記黃帝之子昌意娶蜀山氏之女生高陽有聖德立為帝是為顓帝禹者皇帝之玄孫顓帝之孫

也娶塗山氏之女生啟書曰娶於塗山季歷娶太任蓋摯國任氏之中女詩曰摯仲氏任子昌立是為西伯西

伯曰文王娶莘國氏之長女曰太姒詩曰命此文王于周于京續女維莘列女傳湯妃有莘氏之女生仲任外

丙又云太任文王之母摯仲氏之中女王季娶以為妃摯因至莘一作莘非是

正妃之門孰



豐其川不美其源王氏周胄

王氏周靈王太子晉之後

官封繼繼

上繼

字或作相非是

實生聖女以母唐帝公惟后季天子吾甥

吾或作其


非是

卑躬慎德不與寵橫方年未老后哀猶新如何不惠

而殞其身刻文茲石久載攸存

攸方作猶今按文理當作攸又上句已有猶

新字不應重出也



東雅堂昌黎集註卷二十七